

14 August. 2025

आकाशवाणी

खबरां तरसेम कोला

- राष्ट्रपति द्रौपदी मुर्मू होंरे 79में स्वतंत्रता दिवस दी पूर्व संजा पर राष्ट्र गी सम्बोधत कीता ऐ।
- राष्ट्र कल स्वतंत्रता दिवस मना करदा ऐ। प्रधानमंत्री नरेन्द्र मोदी होर प्रतिष्ठत लाल किले थमां समारोह दी नेतृत्व करगंन।
- स्वतंत्रता दिवस समारोह दे विशेष परौहने दे रुप च 100 SC-ST हब योजना दे लाभार्थिये गी साद्दा दिता गया ऐ।
- सरकार नै देश दे प्रति विशिष्ट सेवा आस्तै इक हजार थमां मते कर्मिये गी वीरता ते सेवा पदक प्रदान करने दी घोषणा कीती ऐ।
- स्वतंत्रता दिवस पर जम्मू-कश्मीर पुलस गी देसै च सब्भनें थमां मते 127 वीरता पदम मिले न।
- ते जम्मू-कश्मीर दे किश्तवाड़ जिले दे पाडर इलाके च अज्ज भीषण बददल फट्टने करी घट्ट थमां घट्ट 10 लोकें दे मारे जाने दा अंदेशा ऐ।

<><><><><><>

राष्ट्रपति द्रौपदी मुरमू होंरे 79में स्वतंत्रता दिवस दी पूर्व संजा पर राष्ट्र गी सम्बोधत कीता। इस मौके पर राष्ट्रपति होंरे सब्भनें नागरिके गी मुबारख दिती। उनें आक्खेया जे एह ध्याड़ा असेंगी भारतीय होने दा गर्व करांदा ऐ। उनें आक्खेया जे भारत दी अर्थव्यवस्था दुनिया च सब्भनें थमां तेजी कन्ने अग्गे बदा रदी ऐ। उनें आक्खेया 2047 च विकसित भारत बनने दी साढ़ी रफतार च तेजी आई ऐ। राष्ट्रपति होंरे आक्खेया जे नारी-शक्ति बंधन अधिनियम कन्ने नारी-शक्तिकरण दा नारा यथार्थ बनी पाया ऐ। राष्ट्रपति होंरे आक्खेया जे सुशासन राहें बड़ी मती गिनतरी च लोके गी गरीबी थमां बाहर कड्डेया गया। उनें आक्खेया राष्ट्रीय खेल नीति-2025 राहें भारत खेड्ड क्षेत्र च होर तरक्की करोग। उनें आक्खेया जे डिजिटल भुगतान दे मामले च भारत अज्ज दुनिया दे अगेतरे देसें च शामिल ऐ। राष्ट्रपति होंरे आक्खेया जे देश च अंतरिक्ष क्षेत्र गी विस्तार मिलेया ऐ। राष्ट्रपति होंरे आप्रेशन सिंदूर गी आतंकवाद दे खिलाफ मनुक्खता दी लड़ाई आक्खेया ऐ। उनें आक्खेया जे विश्व अज्ज दिक्खा करदा ऐ जे भारत दी आक्रमणकारी नीति नेई ऐ, भारत आत्मरक्षा आस्तै कुसै चाल्ली दी कारवाई थमां संकोच नेई करदा ऐ। राष्ट्रपति होंरे आक्खेया जे आप्रेशन सिंदूर दे दौरान भारत नै रक्षा क्षेत्र च आत्मनिर्भर होने दा बी परिचय दिता ऐ। राष्ट्रपति होंरे आक्खेया जे स्वतंत्रता दिवस गी मनाइयै राष्ट्र, उनें स्वतंत्रता सेनानिये गी श्रद्धांजलि अर्पित करोग, जिन्दे बलिदान कन्ने भारत गी ब्रिटिश शासन थमां अजादी मिली। उनें आक्खेया 15 अगस्त राष्ट्री सामूहिक स्मृति च दर्ज ऐ। औपनिवेशक शासन दे लम्मे बरे दौरान केई पीढ़िये अजादी दा सुक्खना दिक्खेया हा। राष्ट्रपति होंरे अपने सम्बोधन च कश्मीर च रेल पुज्जने गी इक बड़ी उपलब्धी दस्सेया।

राष्ट्रपति होंरें आक्खेया जे सरकार नै सुशासन ते भ्रष्टाचार दे खलाफ भलेया नेई बरदाशत करने दी नीति अपनाई दी ऐ। उनें आक्खेया जे स्वदेशी आंदोलन थमां प्रेरित आत्मनिर्भर भारत अभियान स्हेई दिशा च अग्गे बधा दा ऐ ते अमृतकाल च सब्भै लोक अपना योगदान देया करदे न। उनें आक्खेया जे जल-जीवन मिशन राहें लोकें गी साफ जल मुहेइया करवाया जा करदा ऐ।

<><><><><><><>

PM-I-Day

राष्ट्र कल 79मां स्वतंत्रता दिवस मना'रदा ऐ ते प्रधानमंत्री नरेन्द्र मोदी होर दिल्ली दे लाल किले थमां इस समारोह च राष्ट्र दा नेतृत्व करडन। मोदी होर ऐतिहासिक लाल किले दे परकोटे थमां राष्ट्री तिरंगा चाढ़डन ते राष्ट्र गी संबोधित करडन। राष्ट्र 2047 तगर विकसित भारत दे सरकार दे लक्ष गी साकार करने दी दिशा च तेजिया कन्ने अग्गे बधा'रदा ऐ। इस्सै लेई इस ब'रै समारोह दा विषे ऐ-“नमां भारत”। एह समारोह इक समृद्ध, सुरक्षित ते साहसिक नमें भारत दे निरंतर उदय दा चेत्ता करने ते प्रगति दी बत्ता उप्पर अगड़े बधने लेई नमी उर्जा प्रदान करने दे इक मंच दे रूप च कम्म करोग।

<><><><><><><>

SC-ST

सरकार नै राष्ट्रीय SC-ST हब योजना दे तैहत सौ लाभार्थिये गी उन्दे जीवन-साथिये कन्नै कल नर्मी दिल्ली दे लाल किले च आयोजित स्वतंत्रता दिवस समारोह दे विशेष परोहने दे तौर पर सद्वेया ऐ। एह लाभार्थी गाई ते शैहरी दौने क्षेत्रे थमां न।

<><><><><><><><>

Gallantary Awards

स्वतंत्रता दिवस दे मौके पर पुलस, अग्नि-शमन, होमार्ग, सिविल डिफेंस ते होरने सेवाएं दे कुल इक जहार 90 कर्मिये गी वीरता ते सेवा पदक देने दी घोषणा कीती गई ऐ। गृह मंत्रालय नै जानकारी दिती ऐ जे 233 कर्मिये गी वीरता पुरस्कार, 99 गी विशिष्ट सेवा लेई राष्ट्रपति पदक ते 758 कर्मिये गी सराहनेजोग सेवा लेई तगमे दिते गेन।

<><><><><><><><>

JKP Gallantry Awards

जम्मू-कश्मीर पुलसै लेई स्वतंत्रता दिवस दे मौके पर 127 वीरता पदके दा ऐलान कीता गया ऐ। पुलसै दी बहादुरी लेई दिते गेदे तगमे च जम्मू-कश्मीर पुलसै गी सब्भने शा मते तगमे थहोए न। आकाशवाणी दे जम्मू संवाददाता नै जानकारी दिती ऐ जे केन्द्री गृह मंत्रालय आसेया इने सम्माने दी घोषणा पुलस, होमगार्ड, फायर ब्रिगेड, सिविल डिफेंस ते होरने सेवाएं लेई दिते जन्दे न। एह सम्मान सब्भने राज्ये ते केन्द्र शासत प्रदेशे च पुलस बले दी दलेरी, निष्ठा ते समर्पण भाव कन्नै कीती जाने आहली सेवा लई दिते जन्दे न। जम्मू-कश्मीर पुलसै गी एहदे इलावा दंऊ राष्ट्रपति पुलस मैडल विशिष्ट सेवा लेई ते उत्कृष्ट सेवा लेई 14 पुलस मैडल बी देते गेन।

जम्मू च बी अज्ज पूरे मुख्ये आहला लेखा विभाजन विभीषिका समृति दिवस मनाया
गेआ। अज्जे दे दिन उनें लोकें दी श्रद्धाजली दिती जन्दी ऐ, जिनें गी 1947 दी बंड
करी केई सारियां परेशानिया ते मुश्कला झलनियां पेईयां हियां। अभिनव थियेटर जम्मू
च जम्मू कश्मीर कला संस्कृति ते भाषाएं सरबंधी अकादमी आस्सेआ आयोजित सरबंधी
समारोह च जम्मू दे डिविजनल कमीशनर रमेश कुमार होरें शिरकत कीती। ते प्रदर्शनी
दा उद्घाटन कीता। इत्थे ऐतिहासिक फोटूएं दी इक नमैश लाई गई ऐ जेहदे राहें बंड
दरान लोकें गी झल्लनी पेदी तकलीकें गी दर्शाया गेआ ऐ। इस मौके पर बोलदे होई
जम्मू दे डिविजनल कमीशनर रमेश कुमार होरें आक्खेआ----- (बाईट)

एदे थ्वा पैहले अज्ज बडलै उप राज्यपाल मनोज सिन्हा होरें मुख्य दी बंड करी जिनें
लोकें गी तकलीकें गी झलना पेआ उनें गी चेता कीता ते श्रद्धा सुमन अर्पित कीते।

<><><><><><><>

Cloud Burst

किश्तवाड़ जिले दे पाडर इलाके च अज्ज बदल फटटने दी घटना पेश आई ऐ जेहदे
कारण काफी नुक्सान दी शैकां जताई जा करदी ऐ। घटना च घट्टो-घट्ट 10 लोकें दे
मारे जाने दी शैका ऐ। इस घटना च 75 लोकें दे घायल होने दी बी खबर ऐ।
आकाशवाणी दे जम्मू संवाददाता नै जानकारी दिती ऐ जे घटना मचेल माता यात्रा दे
रस्ते च इक दूर-दरेडे गां चसोती च पेई आई ऐ। मचेल माता यात्रा लेई चसोती तगर गै
सिड़क ऐ ते ओहदे अग्गे सफर श्रद्धालुएं गी पैदल गै तय करना पौन्दा ऐ। इस हादसे
दे बाद यात्रा गी फिलहाल रोकी दिता गेदा ऐ ते हादसे आहले थाहरे पर राहत ते बचाव
कारवाई युद्ध स्तरै पर चलै करदी ऐ। केन्द्री गृहमंत्री अमित शाह होरें सोशल मीडिया

प्लेटफार्म-एक्स पर लिखेया ऐ जे उनें जम्मू-कश्मीर दे उपराज्यपाल ते मुखमंत्री हुन्दे नै गल्ल करियै किशतवाड़ च बददल फटने दी घटना बारे जानकारी हासल कीती ऐ। केन्द्री मंत्री डाक्टर जितेन्द्र सिंह होरें दस्सेया जे उनें बी मुखमंत्री उमर अब्दुल्ला ते DC किशतवाड़ कन्ने इस बारे गल्ल करियै हालात दा जायजा लैता ऐ।

<><><><><><>

Condolences

किशतवाड़ जिले च पेश आई दी बददल फटने दी घटना पर राष्ट्रपति द्रौपदी मुरमू-प्रधानमंत्री नरेन्द्र मोदी- जम्मू-कश्मीर दे उपराज्यपाल मनोज सिन्हा ते मुखमंत्री उमर अब्दुल्ला होरें गैहरा दुख प्रगट करदे होई मारे गेदें दी आत्मा दी शांति ते लापता लोकें दे सुरक्षत होने दी कामना कीती ऐ। उनें इस क्रोपी च घाल होए दे दी तौले नरोए होने लेई बी प्रार्थना कीती ते प्रभावत परिवारें कन्ने हम्ददीं प्रगट कीती ऐ।

<><><><><><>

Ukraine Peace Deal

यूरोपीय लीडरें अमेरिका दे राष्ट्रपति डोनाल्ड ट्रम्प होरें गी आग्रह कीता ऐ जे ओह, शुक्रवार गी अलास्का च रूस दे राष्ट्रपति ब्लादिमीर पुतिन दे कन्ने यूक्रेन शांति पर इक पक्खी समझौता नैई करन। श्री पुतिन आसेया अपनी शर्तें पर युद्धबंदी दे अंदेशे दे बिच्च, जर्मनी दे चांसलर फ्रेडरिच मर्ज हुंदे आसेया आयोजित वर्चुअल सम्मेलन च इस बारे च आग्रह कीता गया ऐ। इस सम्मेलन च अमरीका दे राष्ट्रपति डोनाल्ड ट्रम्प, यूक्रेन दे राष्ट्रपति व्लादीमीर जेलेस्की ते केई यूरोपियन लीडर मजूद हे। श्री ट्रम्प होरें

लीडरें गी भरोसा दिता जे ओह रुस दे राष्ट्रपति हुंदे कन्ने मलाटी मगरा गल्लबात बारे तुर्त जानकारी देगंन।

<><><><><><>

India Super Power

केन्द्रीय सूचना ते प्रसारण राज्यमंत्री डाक्टर एल. मुरुगन होरें आक्खेया ऐ जे भारत 2024 च आर्थिक महाशक्ति बनी जाहग। चन्नई दे नेडे अबदी च राज्य BJP आसेया आयोजित हर घर तिरंगा रैली च बोलदे होई उनें आक्खेया जे प्रधानमंत्री नरेन्द्र मोदी हुन्दी नुमायंदगी च सरकार नै बुनियादी ढांचे दे विकास, अर्थव्यवस्था गी मजबूत करने ते शिक्षा दे लोडमंद लोके गी सशक्त बनाने आस्तै केई गेई पुटिट्यां न।

<><><><><><>

IMD

मौसम विभाग नै तेलंगाना, दिल्ली, हरियाणा, चंडीगढ़, तटीय आंध्र प्रदेश, ओडिशा, पंजाब, उत्तराखंड ते जम्मू-कश्मीर दी बक्ख बक्ख थाहरें पर तेज थवा भारी बरखा दा अनुमान जाहिर कीता ऐ। विभाग ने उत्तर ते दक्षिण आंतरिक कर्नाटक, बिहार, जम्मू-कश्मीर, लद्दाख, मुजफ्फराबाद, झारखंड ते ओडिशा च गरज कन्ने छींटे पौने ते बिजली पौने दे बी आसार दस्से न। इस दौरान दिल्ली-एन.सी.आर .क्षेत्र च बडलै सोयां लगातार बरखा होआ र दी ऐ। केई इलाके च लगातार बरखा मगरा पानी किट्ठा होई गेदा ऐ। दिल्ली, नोएडा ते गुरुग्राम च यातायात बाधित होने दी बी खबर ऐ।

<><><><><><>

Bihar Floods

मुक्खमंत्रि नीतिश कुमार होरें अज्ज बिहार दे हाड़े थमां प्रभावत क्षेत्रें दा हवाई सर्वे कीता। गंगा, गंधक, कोसी, बागमती ते महानदी समेत बड्डी नदियें दा पानी बगने करी राज्य दे 10एं जिलें च हाड़ दी स्थिति बनी दी ऐ। 25 लक्ख लोक राज्य च हाड़ें थमां प्रभावत होए न।

